

# STORACLES OF PROPHECY

## Sathau Biing khat

Kumpite Nihna 4:1-7

Ta-ang Thu . . .

E

Lisha in akhangmoi meigongnu lungkham-in aom mu hi. Akhangham kamsanga khephungah kidenna-in thuum hi, "Ka leibatna pa hong pai-in ka tapa nihte asila dingin hong laksak sawm hi!" Tua numeinu a pasal in leiba tami tawh sihsan vat hi. Laisiangtho hunlai-in, leibapa in aleibat aloh zawh kei leh abatnate in avan teng khempeuh laksak thei, a tate uh zong leiba tangin la thei hi (Job 24:9).

Elisha in a lungkham mahmah nupinu kiangah, "Na inn sungah bang nei na hiam?" ci-in dong hi.


"Na nasemnu in sathau biing khat cih simloh inn sungah bangmah dang neilo hi," a ci hi. A leibatnara tungah a neihsa avan manpha teng themthem in piapia ini, aneihsa teng beita a, a tapa nih leh a sathau biing khat bek aom lai hi. Olive thaw pen a kitangsam penpen-a kingaihsun hi-a, meivak, satsakna, anhuanna, leh damna dinda kizang ahi hi.

Elisha in meigongnu leh a tapate kiangah na vengte kiang pai unla beel hawm aom zahzah va kawm unla hong ciahpih un. Kong kikhakkum unla beel hawm tengah na sathau biing neu uh sungsuk un ci hi. Elisha sawl bangin hih uha, nalamdang hong piang hi. Inn sunga beel hawm teng adim dongin sathau biing neu sunga sathau hong luangluang hi!

"Tun bang cih ding ka hi uh hiam?" ci-in amoi nupinu in kamsanga dong hi.

"Pai in, sathau zuak inla na leibate loh in. A om lai teng tawh nang leh a tapate na nungta thei ding uh hi," a ci hi. Hih nupinu leh a tapate Elisha omna pan hong paikhia uha, nalamdang sathau hangin lungdam mahmah iin suakta uh hi.

Topa in hehpihna neilo leibatnara ahi Satan kiang pan hong suaktasak nuam hi. A tuamvilvel Ama sathau tawh na haii hong dimletsak ciangin nalamdang hong piang ding hi.



AMAZING FACTS

## Thu Sinna

Laisiangtho na sim khitciangin a awng munte behlap in.

### 1. Laisiangtho sungah sathau leh beel te in bang limciing hiam?

A. Sawltaakte 9:15 "Va pai in! ... ka min a pua dinga ka \_\_\_\_\_ (vessel) dingin \_\_\_\_\_ ka teelsa ahi hi. (ZIV)

B. 1 Samuel 16:13 Tua ciangin Samuel in a sathau biing sunga sathau la in a sanggamte laizangah amah sathau nilh hi. Tua ni a kipanin Topa \_\_\_\_\_ khauh tak in David tungah hong tung hi.

Phawk Ding: Pasian in beelseekpa hi a eite in tungman bang ih hihi ci-in Laisiangtho in hong hilh hi (Jeremiah 18:1-6; Romans 9:20, 21). Mi khempeuh ngimna om-a hong kibawl ahi hi. Laisiangtho sungbup ah sathau pen Pasian Khasiangtho limciing ahi hi. Ih lung sungah a hong taang Pasian Khasiangtho koici banga hong taang hiam cih lahna dingin a siangho olive thaw pen Hebia te biakinn sungah ataang dingin kivak paisuak hi. Pasian in a mite Ama Khasiangtho tawh akidim dinguh lunggulh hi (Joel 2:28).

### 2. Khasiangtho in Pasian hiam aikeh lungsim pumpi anei hiam?

Sawltaakte 5:3, 4 Tua ciangin Peter in, "Ananias aw, Satan in na lungsim hong zo-in, \_\_\_\_\_ khema, ...

Mihingte khem hi loin Pasian khem na hi hi," a ci hi.

Ephesians 4:30 Tatna ni a tun dongin note hong ciamtehna ahi Pasian Khasiangtho na \_\_\_\_\_ kei un.

Phawk Ding: Peter in agenna ah, Khasiangtho khemna in Pasian khemna ci hi. Tua thamlo-in, Zeisu in Pa min, Tapa min, Khasiangtho min tawh na tuiphum un ci hi (Matthew 28:19, 20), tua manin, Khasiangtho pen thumgawm Pasian lakah khat hi, Pa leh Tapa tawh kiza kim hi. Laisiangtho in Khasiangtho kidahsak thei hici ahil manin Khasiangtho in ngaihsutna nei hi. Amah pen lungsim pumpi neilo hilo hi. Laisiangtho sungah Khasiangtho pen hehnempa, Anunga Khasiangtho, thumaan Kha, Topa Kha, Pasian Kha sagih leh Kha hi ci in gen hi. Hih tung in lungsim pumpi nei ahihna hong lak hi.

### 3. Khasiangtho nasep bulpi in bang hiam?

John 16:13 Ahi hangin amah thutak Kha hong pai ciangin thutak \_\_\_\_\_ ah hong pi ding hi. .... hong piang lai ding thu note hong \_\_\_\_\_ ding hi.

John 14:26 Khasiangtho in na khempeuh hong \_\_\_\_\_ dinga, kong gensa khempeuh hong phawkkiksak ding hi. (ZIV)

Phawk Ding: Zeisu in note tawh ka hong omkhawm tawntung ding hi ci-a hong kamciam pen Khasiangtho pumpi (the person of Holy Spirit) tungtawnin eite tawh ih sungah hong om khawm hi (John 14:17).

### 4. Mawhna amai theilo ding khat in bang hiam?

Matthew 12:32 Khasiangtho a \_\_\_\_\_ peuhmah tu khang ahi zongin, hong tung ding khang ahi zongin a kimaisak \_\_\_\_\_ ding hi.

Phawk Ding: Khasiangtho langpan-a gensiatna in langpanna khat hiziau lo a, thumaan thutak nial paisuak a, atawpna ah Pasian deihna anial a suak hi (Hebrews 10:26, 27). Mi khat in Khasiangtho hilhna olmawh lo-in anial niloh leh Khasiangtho aw azak nonloh zah dongin a khentel theihna khuak keugaw hi. Tua manin abawl mawhna "amai theilo mawhna" abawl hangin acil lai bangin lunghimawhna om nonlo-a lau thei nonlo hi.

### 5. Mihingte ngah theih ding pawlkhat Khasiangtho silpiak te bang hiam?

1 Corinthians 12:8-10 Mi khat tungah Kha tungtawnin \_\_\_\_\_ thupuak kipia hi. Midang khat tungah tua Kha mah in \_\_\_\_\_ thupuak, midang khat tungah \_\_\_\_\_ kipia a, tua Kha khat mah in cina \_\_\_\_\_ letsongte, midang khat tungah \_\_\_\_\_ bawl theihna vangte, midang khat tungah thu \_\_\_\_\_ theihna, midang khat tungah khate khentel theihna, midang khat tungah pau nam tuamtuam \_\_\_\_\_ theihna, midang khat lai tungah paute khat theihna kipia hi. (ZIV)

Ih nunaakna sungah Khasiangtho hong pai ciangin silpiak tuamtuam hong keng hi. Mi khempeuh ngah silpiak kibang lo hi (1 Corinthians 12: 29-31). Laisiangtho in Kha tawh kidim a thupitna hong bulphuh zelzel hi. Zeisu in John 3:5 sunga hong hilhna ah: "tui le Kha tawh suak kik loti peuhmah Pasian gamah a lut thei kei ding hi." ci hi. Adah huai ah, Khasiangtho leh Ama sep pen kitelkhial zel hi. Pawlkhat te in Khasiangtho pen lungsim pumpi neilo vang khat hiziau in hilh uh hi. Adangte in a nisim nunaakna vuah Khasiangtho hilhna nial uha, adangte leuleu in Khasiangtho tawh kidim khempeuh kamtuam pau thei ding hi ci-in hilh uh hi.

### 6. Khasiangtho silpiak te lakah abang pen in Corinthians pawlpi sungah buaina kithukim lohna piangsak hiam?

1 Corinthians 14:1, 2 Khalam letsongte lawptakin na lunggulh un; adiakdiakin kamsanga thu gentheihna letsong na deih un. Ahang in, (Akitheilo) \_\_\_\_\_ khat a thugente mi tawh kiho hi loin Pasian tawh kiho ahi hi. (ZIV)

Phawk Ding: Christian pawlpi masa te hunlai-in zong kampau silpiak (kamtuam) pen ana buaipih uh leh a kithutuh lohna khat mah uh ahil manin hih ih lesson sungah Laisiangtho in bangci bangin khalam silpiak thu hong gen hiam cih limsin diak ding hihang.

### 7. Zeisu in leitung bupah Ama nungzuite thuhilhna koici bangin huh dingin kamciam hiam?

Mark 16:17 amaute pauthakte in a \_\_\_\_\_ ding uh hi.

Phawk Ding: Laisiangtho sunga "kamtuam" cih pen mihingte "kampau" cihna hi. Zeisu' nungzuite ciim iin apil uh hangin a tamzaw in laitan neilo uh hi. Tua manin Leitung bupah lungdamna thu apuak theih nadigun Zeisu in a lamdang silpiak ahi asin ngeiloh uh namdang te kampau pau theihna pia dingin kamciam hi.

### 8. Nungzuite in akibua Khasiangtho angah uh ciangin hong bangci uh hiam?

Sawltaakte 2:1, 4 \_\_\_\_\_ ni hong tun' ciangin, amaute khempeuh mun khatah kikhawm uh hi. ...

... Amaute khempeuh Khasiangtho tawh kidim uh a, tua Kha in minam dangte' \_\_\_\_\_ tawh amaute a pau theisak hi.

Pentecost pen Judah te in paisan pawi khit ni 50 na ah abawl uh pawi hi. Biakpiakna pia dingin leitung bup aom Judah te in Jerusalem zuan ciat uh hi. Nungzuite in tua mite pianpih pau tawh lungdamna thu a hawpsawn theih nadingun Pasian in Ama Khasiangtho tungtawnin kampau siamna silpiak pia hi. A um mi khempeuh in azak uh lungdamna thuthak a gam ciat vuah puak sawn uh hi.

## 9. Khasiangtho hong kibuak ciangin gamdang pan-a hong pai Judah te in bang hong ci uh hiam?

Sawltaakte 2:11 Pasian nalamdang bawlte a gen uh ei \_\_\_\_\_ ciatin lah i \_\_\_\_\_ mawk a! ci-in a kidong uh hi.

Phawk Ding: Pawlkhat in kampau silpiak (kamtuam) cih pen “van pau” bangin ngaihsun uha Pasian ahih kei leh kamphen silpiak a ngah te bek ii theih dingin tuat kha uh hi. Laisiangtho in kitel takin hong lak-a nungzuite leh thugen angai khempeuh in bang thu kigen cih theih uha—“Pasian nalamdang bawlte” agen uh hi, ci uh hi. Laisiangtho sungah kamtuam pauna kipia nam thum bek om hi. Khat ih gen khin hi; tun adang nihte akician zaw-in ensuk ni.

## 10. Peter in Cornelius leh a innkuanihi te kiang thu ahilh-in bang thupieng hiam?

Sawltaakte 10:44, 46 Peter in hih thute a gengen laitakin hih thupiak a za mi khempeuh tungah Khasiangtho a tung hi. Amaute paute in pau uh a, Pasian a \_\_\_\_\_ uh a za uh hi. (ZIV)

Phawk Ding: Cornelius pen Italy galkap mang khat hi-a (Sawltaakte 10:1) Peter pen Judah mi hi-in Aramaic kampau pau ahi hi. Leitung ta-angthu in hong gen mah bangin, Rome te inn sunga nasem ding pen leitung mun tuamtuam pan hithei hi. Tua manin hih kikhopna ah pau kibat lohna om hi. Ahi zongin Cornelius leh a inn sunga om te tungah Khasiangtho hong tun ciangin amau pianpih pau tawh apaute’ uh Peter tonpihte in tel uha “Pasian a phat uh” ii za hi ci uh hi. Hih thupieng teng Peter in Jerusalem-a pawlpi makaite kiang thu a puak na ah, “a cila eite tunga hong tung bangin amau tungah Khasiangtho a tung hi.” Sawltaakte 11:15 ci hi. Cornelius leh a inn aom te-in Pentecost a nungzuite kamtuam ngah mah bangin kamtuam ngah uh hi. Amau kamtuam te in akithei kampau ahi hi.

## 11. Ephet khuami nungzui 12 te tungah Paul in thu ahilh ciangin, bang thu piang hiam?

Sawltaakte 19:6 Amaute tungah Kha Siangtho hong tung hi. Amaute in kamtuam hong pau uh a, \_\_\_\_\_ thu zong a gen uh hi.  
(Holy Ghost came on them; and they spake with tongues, and prophesied.)

Phawk Ding: Paul pen mipil mahmah leh pau zong nam tarsi tak apau thei Pasian nasem khualzin kawikawi khat ahi hi (1 Corinthians 14:18). Ephet khua a mi 12 te tungah Khasiangtho a tun ciangin kamsanna thu gen uha Paul leh Luke in nidanga a theih ngeiloh uh kampau hinapi tel uh hi.

## 12. Akhiatna kithei lo kamtuam thu Laisiangtho in bang ci gen hiam?

1 Corinthians 14:9 Na thugenna uh kammal kitel \_\_\_\_\_ kei leh kua in note’ thugen theitheih ding ahi hiam?

1 Corinthians 14:19 Pau lamdang[akitheilo kamtuam-unknown tongue] kam tul sawm bang ka pau sangin midangte’ phattuamna dingin a theihding uh kammal nga bek ka \_\_\_\_\_ ding hi.

Phawk Ding: Paul in kamtuam (kampau) cih pen khat leh khat kihon nading ahih kei leh thumaan thutak hilh nadinga zat ding hi ci-in hong gen kikkik hi. Laisiangtho akitelgih cil Greek kammal-in “akitheilo” cih kammal neilo uh hi, ahih hangin lailetkhia te in tua hun laitak-a mi a tamzaw te adinga gamdang kampau hi ci-in hong letkhia uh hi. Corintu pawlpi (biakinn) ah minam kibang lo tarsi kikhawm khawm uh hi a, khat veivei ciangin pawlpi mite in amau kampau ciat uh tawh thungen, tecu pang, leh thugenna te hong neih uh ciangin pawlkhat tadingin akitelgih kampau suak hi. Tua manin Paul in mi a tamzaw in atheih kei-a kamphen ding aom kei leh dai takin om hen ci hi (1 Corinthians 14: 28). Eite in zong midangte in atel loh ding uh kamtuam (kampau) tawh thugenna, thungernia cih te ih neih loh ding cihna ahi hi.

## 13. Ta-anglai-a Babylon ii zia leh tong abulpi khat in bang hiam? (Babylon cihi ahang)

Piancilna 11:7, 9 Hong pai un, amau khatlekhath’ thugen a kitheih \_\_\_\_\_ dingun eite paisukin amau’ kampau va \_\_\_\_\_ ni,” a ci hi... ... Tua ahih ciangin a min \_\_\_\_\_ kici hi.

Phawk Ding: Babel tausang pen leitung khempeuh pau kilamdana hong piankhatna ahi hi. Hebrew kam iin Babel leh Babylon cih pen, “babel,” hi-a akhiatna “buaigawp-akitello” cihi ahi hi. Mangmuhn 18 sungah Pasian in Ama mite khalam Babylon pan a pusauk dingin samkhia hi. Khalam Babylon ii zat gamtatna khat in akitello kamtuam (kampau) zatna ahi hi.

## 14. Pasian thukhamte thei pipi-a a palsat te Kha in a ompih mah ding hiam?

John 14:15-17 Kei nong it uh leh kong \_\_\_\_\_ na mang ding uh hi. Pa kiangah ka ngen dinga, amah in note tawh a omkhawm tawntung dingin Thukuppihpang khat - \_\_\_\_\_ Kha (Spirit of truth) note hong pia ding hi. (ZIV)

Sawltaakte 5:32 Pasian in ama thu a mangte a piak Khasiangtho zong \_\_\_\_\_ ahi hi,” a ci uh hi. (ZIV)

Phawk Ding: Pasian thukhamte man ding anial mite sungah avanglian mahmah Khasiangtho teeng theilo hi.

## 15. Khalam silpiak te lakah Paul in bang deihhuai pen ci hiam?

1 Corinthians 14:4, 5 Pautuam khata thugente ama phattuam nading hi-a; kam sanga thugente in pawlpi a phatuamsak hi. ... Paute zanga thugen mi in pawlpi phattuam nadingin a thugen a khiatna a gen kei leh amah sangin \_\_\_\_\_ thugenpa a lianzaw hi. (ZIV)

1 Corinthians 14:12 Note in khalam letsongte neih ding lawp na hih nungsangun \_\_\_\_\_ a \_\_\_\_\_ a ginazaw letsongte neih ding na hanciam un. (ZIV)

Phawk Ding: Paul in kitel takin agen in ah, kamtuam ngahna sangin genkhohna ngahna nakpi in hoih zaw hi ci-a tu-in mi pawlkhat te leuleu in Khasiangtho tawh kidim khempeuh in kamtuam pau theih ding hi ci-in hilh uh hi. Laisiangtho sunga Kha (Khasiangtho) tawh kidimna thu ettheih ding 25 val aom lakah, thum vei bek pen kampau (kamtuam) tawh kisai hi. Laisiangtho Thak sunga bu 14 agelh Paul in Corintu Masa sung bekah kamtuam thu na gen hi. Laisiangtho Thak bu 27 lakah kamtuam pau cih thu siksan ding thum bek om hi.

## 16. Pasian in mite Ama Kha tawh akidim sakna pen bang adeihna bulpi hi ding hiam?

Sawltaakte 1:8 Ahi hangin note tungah Khasiangtho hong tun ciangin \_\_\_\_\_ na ngah ding uh a, ... ka \_\_\_\_\_ na hi ding uh hi,” a ci hi.

Sawltaakte 4:31 Amaute khempeuh Khasiangtho tawh kidim uh a, Pasian \_\_\_\_\_ takin a gen uh hi.

Phawk Ding: Tecu ih pan nadingin Pasian in Ama Khasiangtho tawh hong dim hi.

## 17. Mi khatpeuh in Khasiangtho tawh kidim maw kidim lo cih ih gen thei ding hiam?

Matthew 7:20 Amaute a \_\_\_\_\_ panun na khentel thei ding uh hi.

Phawk Ding: Eite in mi khat pen Khasiangtho tawh kituiphumna ngah hi Kha (Khasingtho) silpiakte tungtawn hilo hi ih ci hi, ahih hangin Kha (Khasiangtho) gahte in: itna, lungnopna, kilemma, thuakzawhna, citna, hoihna, upna, migitna le pumpi ulkzawhnae ahi hi (Galatians 5:22, 23).

## 18. Bangci bangin Khasiangtho tuiphumna ngah thei ding ka hi hiam?

Luke 11:13 Note mihoihlo hinapi-in na tate uh tungah a hoih piakding theitheih na hih uh leh, vantunga om na Pa un a \_\_\_\_\_ tungah Kha Siangtho piazaw kan ding hilo ahi hiam?”

Phawk Ding: Zeisu in akiteh theilo Kha a neih mah bangin eite in zong Pasian in ih beel (lungsim) hong dip nadingin ngen thei hihang, ahizongin eite in Pasian tungah ih lungsim khempeuh apna tawh eimah leh eimah ih kihawmsak nops ding kisam masa hi.

# Nang D<sup>A</sup>wnna

Zeisu in a manpha Khasiangtho sathau na nuntaakna sungah hong buak dingin lunggulh-in hong ngak hi. Na lungsim leh na ngaihsutna te Topa aw nang hong neih in, tu-in na ci nuam hiam?

DAWNNA: \_\_\_\_\_